

善思童子經



駒

善思童子經卷上

一切經南都光緒

隋開皇年三藏法師闍那崛多譯

如是我聞一時娑伽婆住毗耶離城在菴婆

羅波梨園內與諸聲聞八千比丘一萬菩薩

如是大眾一切悉皆變化形服作諸天身介

時世尊於晨朝時著衣持鉢將此化眾前後

圍遶入毗耶離大城之中次第乞食漸漸行
至毗摩羅詰離車之家當於是時毗摩羅詰
離車家內有一童子名曰善思是時善思在
於自家重閣之上妳母抱持時彼童子手中
秉執一莖蓮華玩弄嬉戲而彼童子以其宿
植衆善所熏又佛世尊神通力故令此童子

忽然以偈白其妳母作如是言

今有響微妙

翳諸音樂聲

願妳放我身

捨置於樓上

而此光明照

決是大丈夫

右足跨於闍

欲入此城門

微妙令意喜

諸鳥鳴喚聲

我耳未曾聞

諸鳥如是唱

決定是調御

為利益世間

右足跨於闍

欲入此城門

如服諸纓絡

徧體振鳴聲

其響妙鏗鏘

聞者皆歡喜

決定千輪足

威福莊嚴身

右足跨於闍

欲入此城門

猶彼大地震

亦如打銅鐘

諸如是等聲

無有不聞者

決定彼人曰

大聖之身光

欲入此大城

令衆生無畏

如諸林樹木

種種華莊嚴

各聞微妙香

衆生隨所樂

決定善安住

與願大龍王

右足跨於闍

欲入此城門

如虛空光照

大地普皆明

日彩曠不彰

此世尊金色

決定喜觀察

大威放燄光

右足跨於闍

欲入此城門

阿妳今觀此

天衆在虛空

歡喜歌嘯聲

弄諸衣服等

決定利益世

最勝諸衆生

右足跨於闍

欲入此城門

今此大城內

相向起慈心

各各共歡喜

如父母愛子

決定大福聚

衆德莊嚴身

右足跨於闍

欲入此城門

又男夫婦女

將種種香華

滿掬四面飄

心生大歡喜

決定大自在

福德華莊嚴

右足跨於闍

欲入此城門

五人華所散

悉徧滿虛空

處處雨衆香

微妙甚可喜

決定世善逝

大智慧入城

為利益衆生

所以今來到

此時善思懷抱妳母聞其童子自口所說如

此偈已心生恐怖身毛悉豎支節戰掉不能

自持安彼童子於樓閣上置已即作如是思
惟此子何也為天為龍為是夜又為是羅刹
為鳩槃荼為毗舍遮為緊那羅或復為是摩
睺羅伽如此之言非是世間嬰孩所說時彼
妳母即一定住不敢動移亦不起行不敢大
語細喘低頭默然察聽尔時世尊漸漸行近

善思離車童子之家入彼街巷至於其家門
前止住而是善思離車童子遙見世尊在於
閣下見已即便從高樓上投身向佛是時善
思離車童子以佛神力在於空中疑然而住
即以偈頌而白佛言
世尊住智中 最勝者住此 利諸衆生故

願受我蓮華

尔時世尊即還以偈報於善思離車童子作

如是言 我所任實際 非衆生境界

彼際無所有 是際如實相

念時世尊說是語已離車童子復更以偈而

白佛言 世尊云何任 於此真實際

此際既無有 無有何所任

尔時善思離車童子說是語已佛復以偈而

更報言 如際實際者 彼際是如來

如彼實際任 我任彼亦然 如實際諸佛

其體一無殊 如彼真實際 我作如是任

尔時世尊說是語已善思童子復更以偈重

白佛言

非際際非際

此際有何相

作何等方便

得名為實相

尔時善思離車童子說是語已佛復以偈而
更報言 不可執際際 故言為實際

彼際如虛空

虛空亦無相

尔時出尊說是語已善思童子還更以偈白

於佛言

希有真實處

住處最上住

願衆生住此

如諸佛所住

尔時善思離車童子說此偈已一心合掌而

白佛言惟願世尊慈愍我故受此蓮華尔時

世尊為欲憐愍善思離車孩童童子故受彼蓮

華佛受華已是時善思離車童子歡喜踊躍

發是願言籍此善根我於來世若當證得阿
耨多羅三藐三菩提已如今世尊為於一切
衆生說法然其法中諸凡夫法及阿羅漢一
切聖法皆不可得尔時長老舍利弗同在集
會聞是語已於大衆中即問善思離車童子
作如是言離車童子汝向所言我當證彼如
是法已為諸衆生說於彼法云何說法彼法
云何尔時善思離車童子即以偈答舍利弗
言
我當證是法
亦復無去來
過去一切佛
現在無上尊
無不如是知
彼法無有佛
及諸聲聞等
為諸衆生說
彼法無處所
智者如是知
法之本體性

入無餘寂滅

彼中無法界

衆生界亦無

如是之邊際

世間無入者

法界惟名字

字從分別生

分別無分別

究竟不可得

尔時長老富樓那弥多羅尼子即於衆中還

以偈問善思童子作如是言

童子汝云何

能學解此法

甚深無譬喻

諸智者所迷

汝今身未行

已作如是辯

能對最第一

智慧大聲聞

汝體如真金

徧皆巧知解

顯赫此城巷

如月處虛空

尔時善思離車童子即還以偈答於長老富

樓那弥多羅尼子作如是言

尊者今言生

此生無有處

諸法無生故

當生此是何

諸法既無生

何者名真體

此我說本性

一切諸法無

法及法本性

二俱不可得

二既不可得

此法諸佛說

是名最上輪

鹿苑中前轉

虛空搦拳已

令覺多聲聞

惟鳴於法聲

衆生多誑惑

乘方便及智

當說如真實

言生及死者

是名凡夫境

此之顛倒見

富樓那未盡

生死及彼此

世間人言語

無言語法中

假以語言說

尔時長老富樓那彌多羅尼子聞此偈已歡

喜稱讚即便白佛作如是言希有婆伽婆希

有修伽陀此之善思離車童子乃有如是其

深智慧難可度量是時佛告富樓那言如是
如是汝富樓那如汝所說今時世尊問於善
思離車童子作如是言善思童子汝今欲為
阿誰證於阿耨多羅三藐三菩提是時善思
離車童子即以偈頌而答佛言
佛最勝世尊。知而故問我
欲為誰著證

今當真實宣。

我無所為人

亦無著證者

甚深上法內

無受化衆生

衆生非衆生

一切皆無有

此處不迷惑

彼名為世尊

如是生解知

如實際常處

非一非無異

此甚深最上

我當令覺衆

彼衆生亦無

衆生體既無

彼中何有智

智慧及衆生

性畢竟非有。若能如是解。彼名世智人。
尔時善思離車童子說是偈已。而白佛言。大
聖世尊。我若當來自覺了知如是法已。為諸
衆生作如是說。是時長老阿難比丘於大衆
中。即從座起。而白佛言。世尊。希有。婆伽婆。希
有。修伽陀。此之善思離車童子。乃能如是宣
說。甚深微妙法句。不染著句。無倚著句。此深
法中。天人世間。恐怖迷沒。世尊如是實性。甚
深法中。誰不欲行。惟有昔於甚深法中。有因
緣者。乃能生信。尔時阿難欲重宣此義。而說
偈言。猶如聚真金。遙觀妙顯赫。
此善思童子。處在大衆中。辟如須彌山。

安住於海內 如是善說法 彌覆此世間

無有及非無 善思童子說 如是彼實際

實際亦空無 汝今說此時 不曾生恐怖

善思汝如是 我去何得知

尔時善思離車童子聞是語已即還以偈報

阿難言 我已誓捨身 著此無為鎧

無望故求道 多聞如是知 為五欲所迷

墮於可畏獄 今見無上尊 我云何不喜

世尊大慈愍 化度諸衆生 我身不墜傷

今在佛前住 虛空及我體 此二悉是無

身及空既無 云何當畏壞 佛身及空體

真實不可分 能有此忍心 彼中無怖畏

虛空及大地。真如中悉無。我今真實知。
是故無恐怖。虛空徧大地。畢竟不可得。
無真無生故。真實無驚畏。虛空無有高。
下處亦無有。如是法知者。彼無處可驚。
余時善思離車童子說是偈已。佛即問言善。
思童子汝不畏耶。是時善思即答佛言善哉。
世尊我實無畏。佛復更問善思童子汝不恐。
耶。善思答言善哉。世尊我實無恐。佛復問言。
善思童子汝不怖耶。善思答言善哉。世尊我。
實不怖。尔時世尊讚善思言善哉。善哉。善思。
離車真實善哉。今乃能如是不畏不恐不怖。
佛因此事即為善思而說偈言。

有有故怖生。彼有不可得。能定此忍者。
彼即近菩提。取相言衆生。而衆生無有。
能如是了達。彼即住真乘。菩提無得人。
而得不得。離此得不得。恐怖心則無。
若能如是知。有無皆不住。善思汝當識。
此路趣菩提。

余時世尊說此偈已。復告善思。作如是言。善
思童子。是故菩薩摩訶薩等。若欲速疾安樂
得成阿耨多羅三藐三菩提者。當應須念常
相樂相我相淨相。及衆生相壽命養育福伽
羅相。此相即是阿耨多羅三藐三菩提真正
直路。善思童子。我於往昔發心行於菩薩行。

時常念此路以是義故我乘此路得至菩提
然其此路無有一法而可得者此即是我無
上菩提爾時世尊欲重宣此義而說偈言

我雖說常相

其常非是有

既知無有常

即無有諍競

有著樂相者

樂亦無真實

此是顛倒見

分別福伽羅

若知諸法真

各各無集處

彼等不作相

命及福伽羅

路非是菩提

非路亦復尔

我說此本性

諸法無處所

本性及衆物

智者不分別

善思汝當知

此路向菩提

若著如是路

彼佛非行道

若著有相者

彼不知諸法

亦不能乘乘

諸佛所憐愍

無有人能行

此寂甚深處

一切處無物

彼物不可得

既無有物故

彼樂無處生

諸樂及諸苦

此路如虛空

能得如是覺

彼心得解脫

我雖說我相

此法亦無有

既無有我所

亦復無有智

既無有智知

此即智境界

壽命分別有

其相畢竟空

無有言知者

小智即迷惑

我相及壽命

本性非是有

本性及諸物

此愚癡境界

彼等不能近

不思議佛乘

不聞深經典

復不讀誦持

此經典不說

無有諸法相

我不得諸法

說處亦復無

我昔坐道場

無一智可證

此智我如是

菩提不可得

菩提及道場

此二無證者。凡夫輩分別諸佛說諸法
此是假名字。諸佛甚深處。甚深及諸佛
此是魔境界。不聞此經典。佛世尊所說
彼等不知味。諸法利益處。菩薩行苦行
其行無知故。言佛及菩提。此二不可見
如是思惟已。妄言諸佛說。稱有諸境界
倚之而生著。既有染著處。彼等不見我
若有諸衆生。成就甚深智。彼等大唱說
諸佛不思議。是故汝善思。欲知甚深法
精勤當用心。即知法真實。彼法實無礙
故名爲甚深。如是說之時。名爲不可得
衆生顛到見。此非彼境界。非以禪定求

可知真實義

三昧非三昧

空中不可得

此非智境界

無智亦復然

雖令覺彼際

亦非智境界

此法從緣有

甚深即能入

若有樂寂靜

則無有彼此

若心能信樂

正說此經處

彼非一佛邊

昔種諸善根

於多諸佛所

乃能受持此

尔時世尊說此偈已復告善思離車童子作

如是言善思童子以是義故諸大菩薩摩訶

薩等一切應當著如是鎧於世間中所有恐

怖驚畏之處應於彼中不生驚畏恐怖之意

發於此心如如是著鎧是時善思即白佛言太

聖世尊我信如是而世間中所不信處尔時

世尊復告善思童子有諸菩薩摩訶薩等行
於甚深有如是相有如是瑞有如是形彼等
一切諸善丈夫觀於世間無有諸法可優劣
者既見一切諸法平等無有優劣如是知已
而心不畏不怖不驚斷一切諸法如是知已
而不驚不斷一切諸法如是知已而不怖有
一切諸法如是知已而不驚無一切諸法如
是知已而不畏
聚一切諸法如是知已而不驚散一切諸法
如是知已而不畏
和合一切諸法如是知已而不驚不和合一
切諸法如是知已而不畏

嫌一切諸法如是知已而不驚不嫌一切諸法如是知已而不畏

思念一切諸法如是知已而不驚不思念一切諸法如是知已而不畏

造作一切諸法如是知已而不驚不造作一切諸法如是知已而不畏

境界一切諸法如是知已而不驚非境界一切諸法如是知已而不畏

歡喜一切諸法如是知已而不驚非歡喜一切諸法如是知已而不畏

世諦一切諸法如是知已而不驚非世諦一切諸法如是知已而不畏

寂靜一切諸法如是知已而不驚非寂靜一切諸法如是知已而不畏

解一切諸法如是知已而不驚不解一切諸法如是知已而不畏

持戒一切諸法如是知已而不驚破戒一切諸法如是知已而不畏

明一切諸法如是知已而不驚無明一切諸法如是知已而不畏

有名一切諸法如是知已而不驚無名一切諸法如是知已而不畏

一切法出如是知已而不驚一切法不出如是知已而不畏

一切法怖如是知已而不驚一切法不怖如
是知已而不畏

一切法生如是知已而不驚一切法不生如
是知已而不畏

一切法死如是知已而不驚一切法不死如
是知已而不畏

一切法菩提如是知已而不驚一切法非菩
提如是知已而不畏

一切法涅槃如是知已而不驚一切法非涅

槃如是知已而不畏能作如是說法之時是

名菩薩不畏不驚不恐不怖尔時世尊說是

語已欲為善思重宣此義而說偈言

一切法無有。真如不迷惑。

彼相即寂滅。諸法無優劣。

一切法無故。真實亦復無。

此彼亦各無。諸法既悉空。

一切法既無。本性何有性。

云何有壞滅。諸法有斷耶。

但假有斷名。求斷處不得。

微細求覓無。毫末及眾多。

諸法無有者。此亦是言說。

但有中示現。一切法無形。

有有及無有。一切皆假名。

示現不合者。真如無合故。

諸法無有故。

此彼悉皆無。

諸法有優劣。

則無有諍競。

其性無有故。

智者無此念。

欲斷一切法。

諸法皆無有。

彼中如是無。

但有相中現。

一切法有合。

畢竟無有物。

諸法無和合

無作無減者

如是亦不得

諸法各各無

諸法不可得

彼等前際無

本際既無故

故名為實際

一切法歡喜

歡喜不可得

既無有諸法

彼亦不可說

諸法無歡喜

彼等二皆無

真如中無物

此是甚深相

一切法無嫌

真如中無淺

真如無有故

彼無有嫌愛

涅槃無讚歎

彼法不可得

諸法無有故

故名為涅槃

諸法無明者

真如中示現

此是假名說

是故名為思

諸法無思者

此法無定處

是故無眾生

此是諸法體

一切法如幻

彼幻不可得

諸法不得故

說有為諸行

諸法既無為

此彼真如體

無有諸法處

故言無有邊

雖言有境界

境界實無有

而凡夫所說

故名為境界

諸境界虛妄

故說無境界

說無有境界

是境界真相

言一切法體

彼等無有數

彼等既無有

戒定汝等知

無得言有得

示現有得觀

得無得之處

示現故有得

彼處無持戒

及破戒亦無

無行及無戒

如是諸法相

一切法悉無

故名為無明

無有諸法故

汝當知是明

諸法名字者

彼名實無有

既無有法名

當知是涅槃

說有受名者

以受故是現

是處無有受

故言受示現

無有為有相。示現名為有。

諸法中離有。

故言常無有。如見幻化已。

愚癡言有相。

有有無有知。是處智無惑。

法生處不知。

此二不可得。愚癡人故言。

說此為生處。

諸法若有生。應說當有死。

生處及死處。

此二不可得。一切法皆空。

諸法不可得。

善思汝當知。我說如是法。

菩提不可作。

是處作者無。若當得菩提。

應即見三界。

若分別菩提。彼不行菩提。

行行及菩提。

彼等無分別。一切有真實。

真實無有處。

真實無得故。此是涅槃相。

畢竟無出者。

彼無處可得。無有諸物故。

不生復不滅。

若能知此義。諸法無真實。彼等無可生。

即不相諍競。說此甚深法。若無恐怖時。

汝應知彼人。真實是菩薩。

尔時世尊說此語已善思童子復更以偈重白佛言。

世尊利益我。出現於世間。說此法相時。

我無有疑惑。今者具足滿。佛出不思議。

我諸見網縛。今得脫魔網。我已斷生死。

已住道場內。如來說相時。斷除我疑結。

為我說得處。摧滅諸見等。無畏益世間。

善去我心垢。

善思童子經卷上

駒 飛

菴婆

上烏

盜

羅詰

起

一

妳母

女買

秉

音

玩弄

反愚貫

嬉戲

上許

義

反

笑

反一

計

跨

反閩

反門限也

鏗鏘

上許

苦

耕

反

反七

反

暄

反嘯

反蘇

掬

音菊

戰

掉

止

正

音也

反

反

驚動

嬰孩

上

一盈

反

喘

尺

軟

反

疑

然

也

籍

反

徧

音

赫

反

擗

反

尼

反

下

反

反

反

反

反

反

反

反

反

反

善思童子經上卷

駒

為慶春信女

竹田氏後室幸樹

